



Universitätsbibliothek Paderborn

**De Breviario Concionatorio, Strenæ, Fidelis Prophetissa
Concionibus de B. M. Virgine serviens, Conciones
Occurrentes & Funebres**

Tylkowski, Wojciech

Oliva, 1686

VI. Quia est quodammodo Omnipotens.

[urn:nbn:de:hbz:466:1-51821](#)

est, quin Mariæ tribui conveniat, quidquid boni quævis Creatura vel fecerit, vel reperit. Petrus Damian. serm. de Nativit. Virg. Attende Seraphim & in illius superioris naturæ supervola dignitatem, & videbis quidquid majus est, minus est Virgine, solumque Opificem opus istud supergredi.

6. Quia est quodammodo Omnipotens.

Richard. lib. 4. Cum eadem sit potestas, & communis Matri, & Filii quæ ab omnipotente Filio, omnipotens est effecta, quia non est potestas nisi à DEo Rom. 14. Vnde dicit cum Filio Matth. 28. Data est mihi omnis potestas in Cœlo, & in terra; tamen excellenter potens in Ecclesia triumphante. Vnde dicit Eccles. 24. In Ierusalem superna potestas mea, imperandi scilicet quod volo virtutibus Angelicis, & animabus sanctis, & faciendi ad beneplacitum meum, & quos volo introducendi. S. Bonavent. in Cont. post psalm. Domina nostra omnipotens post Dominum nomen ejus. Quia ut August. seu aliquis apud eum serm. 20. ad Fratres in Eremo docet. Talis suo modo Mater, qualis Filius. S. Andri. Cret. vocat Virginem Miraculorum effectricem, potestatem habentem, quæ labefactari nequeat; & quæcunque voluerit efficere potest. S. Sabbas ita illam affatur in Meneis 17. Jan. in matut. Et Greg. Nicomediensis Orat. de exalt. B. Virg. Nihil tuæ resistit potentiae, nihil repugnat tuis viribus, omnia cedunt tuo jussu, omnia tuæ potestati serviunt. Damian. serm. 1. de Nativit. B. Virg. Nihil tibi impossibile. S. Bonav. rationem dat in Speculo cap. 8. Quia Dominus potentissime tecum est, idè tu es potentissima secum, & per ipsam potentissima apud ipsum. S. Anselm. de laud. B. V. cap. 12. Dominus te sic exaltavit, ut omnia tecum possibilia esse donaverit.

Refert S. Brigitta revel. c. 84. Sanctos hæc in Cœlo dixisse: O Domina Benedicta, tu portasti Dominum in te, & tu Domina omnium es: quid est quod non poteris, quod enim tu vis, hoc factum est.

7. Quia Dominatur Angelis.

S. Joan. Damascenus in Dialogo Angeli annunciantis Virginis qui est relatus in Meneis Græcorum ad 25. Martij, ita inducit Angelum agnoscenter supra se Virginis Dominum. Quid me pertimescis ô nullo unquam nævo subjecta? me qui tibi potius metum ut subditus debeo? Quid me veneraris ô Domina, qui te etiam cultu quodam adorationis longè justius veneror? Non sine timore ante faciem tuam ut servus antè Dominam adito, imò nec aspicere te præ veneranda tui formidine audeo. Et paulo post. Lætare ô altitudo Maria! ad supremum cuius fastigium cogitationes hominum ascendere nequeunt: lætare profunditas, cuius subtilem recessum nec quidem acies Angelica penetrat, lætare per quam in novantur Creaturæ.

E

Quod.